

Un vocabulario esimio.

Un opere linguistico monumentale de recente tempore
essi: Romanisches etymologisches Wörterbuch von W.
Meyer-Lübke (1092 pagina, Heidelberg, Germania, 1911-1920).
Suo scopo essi colligere et cribrare in critico modo inquisitiones
etymologicos numerosos et valde dispersos, que habe ut
objecto vocabulos romanos; solvere diverso problems
et adducere alios ad solutione in modo meliore. Ad
expositione veni toto thesauro hereditario romano, in quanto
il essi de origine latino. Cetero fontes de isto thesauro essi
adductos, in quanto vocabulos praestitos ab istos, habe un
majore diffusione. Omne et singulo lingua romana sine
exceptione habe suo loco in nostro opere. Non raro appare
et vario dialecto. Ordine de libro essi alphabetico de vocabulos
latinos. In fine, de pagina 735, sequi un longo indice alphabetico
de vocabulos romanos cum alio utile additamento.

Ho libro, valde commendando ad omne amatore erudito
de Interlingua, fieba edito in 14 fasciculo de diverso pretio,
2 Mark et supra, dependente a tempore de editione.
Auctore essi un professore eminente in Universitate Bonn
et habeba in suo labore plures adjutores e diverso nationes
pro diverso linguas, utique non sine interruptiones, que esseba
causato a conflictu bellicoso. Tale libros essi habiles ad
unire cum novo vinculo de amicitia illos nationes, que
contribui per suo lingua et linguistas un parte ad ils.
Legamo ergo ho libro! Il essi un pretioso augmento
de nostro thesauro interlinguistico, ad que pertine jam
Vocabularios de Peano, de Canesi, de Pinth, de Basso
et simile.

Wels, Austria.

Dr. Aloisio Hartl.